



UNIVERSITÄTS-
BIBLIOTHEK
PADERBORN

Claudii Fleurii Abbatis Historia Ecclesiastica

Ab Anno 361. Usque Ad Annum 395

Fleury, Claude

August. Vind. [u.a.], 1758

VD18 90117786

§. 28. Epistola ad Ecclesiam Antiochenam.

[urn:nbn:de:hbz:466:1-66032](https://nbn-resolving.org/urn:nbn:de:hbz:466:1-66032)

§. XXVIII.

Sæculum IV.

A. C. 362.

Epistola ad Ecclesiam Antiochenam.

In hac epistola Patres Concilii Alexandrini loquuntur in hunc modum: *Sup. l. XIII.*
§. 33.

Omnes, qui a vobis pacem petent, recipite, præcipue eos, qui in Palæa conventus suos agunt; hi erant S. Meletii Sectatores.

*Etiam illos, qui Arianos relinquunt, ad vos trahite, affectu Paterno recipite, & charissimis nostris fratribus, qui Paulinum sequuntur, conjungite, nihil aliud ab illis exigite, quam ut hæresin Arianorum anathematizent, & fidem Nicænam profiteantur. Illos vero etiam damnent, qui dicunt Spiritum Sanctum esse Creaturam, atque errores Sabellii, Pauli Samosateni, Valentini, Basilidis, & Manetis. Et inferius: Omnibus viribus prohibete, ne quisquam legat, aut aliis legendum det illud scriptum, quod aliqui expositionem fidei Concilii Sardicensis esse comminiscuntur, nam nihil tale ab hoc Concilio profectum est; non nulli quidem petierunt, ut fidei *Sup. l. XI.*
§. 35.
professio scriberetur, & ausu temerario scribere attentarunt, at S. Concilium factiosorum hominum molitionem cum indignatione rejecit, & Fideles omnes Definitione Concilii Nicæni contentos esse iussit. Patres Alexandrini deinde referunt, quid circa quæstiones de Hypostasi, & Incarnatione egerint, & quod, postquam diverse*

Sæculum IV.
A. C. 362.

diverse de his fidei articulis loquentes mentem suam coram explicare jussissent, judicaverint, eos in eadem esse sententia. Eos, ad quos scribunt, hortantur, ut idem faciant, & omnes, qui prædictas quæstiones eodem modo explicarent, recipiant, alios, tanquam de fide suspectos rejiciant, & universaliter omnes Catholicos admoneant, ut temeraria judicia, & lites de nomine fugerent, & unionem, quibuscunque possent modis, conservarent. In fine addunt: *Hæc in loco, quo convenire soletis, publice prælegite! æquum enim est, ut ibi eorum, qui pacem acceptare volent, reconciliatio fiat; deinde in loco, quem totus populus, vobis præsentibus, elegerit, Conventus agentur.* Huic epistolæ subscripserunt S. Athanasius, & alii Episcopi præsentibus. Duo Diaconi a Lucifero, & duo a Paulino delegati. S. Eusebius Vercellensis latine subscripsit, brevissimis verbis in sua subscriptione epistolæ substantiam complexus. Præter tres absentes Luciferum, Cymatium, & Anatolium ad Eusebium quoque, & Asterium, quamvis præsentibus essent, dirigebatur epistola, ut his duobus, tanquam totius Concilii Delegatis, pro instructione serviret.

S. Athanasius privatim quoque ad aliquos Episcopos, quæ in hoc Concilio acta fuerant, perscripsit, præsertim ea, quæ ad recon-

reconciliationem illorum, qui in Conci-
lio Ariminensi subscripserant, pertine-
bant. Habemus epistolam, quam ad Ruf-
finianum scripsit, ubi indicat, alios Epis-
copos eadem mandata dedisse in omnibus

Sæculum IV.
A. C. 362.

Tom. 2. p. 4.

to. 7. Concil.

p. 76.

Provinciis, nominatim in Achaia, Hispania, Gallia, & Romæ, atque hanc Disciplinam ab Ecclesia Romana fuisse approbatam. S. Athanasius in eadem epistola

exigit, ut, qui ad sinum Ecclesiæ redeunt, nominatim Euzoium, & Eudoxium anathematizent, qui Filium Dei Creaturam esse volebant. Scripsit etiam ad S. Basilium ut ab iis, qui ab Arianismo conver-

terentur, nihil præter professionem fidei
Nicænæ exposceret, eidem exemplo Epis-
coporum Macedoniae, & Achaiae, qui idem
facerent, proposito. Hanc Disciplinam

Romæ receptam fuisse, videmus ex epi-
stola Liberii Papæ ad Episcopos Italiae da-
ta, ubi eorum, quæ in Ægypto, & in
Achaia decreta fuerant, mentionem fa-
cit, & eos, qui Arimini lapsi erant, reci-
pi jubet, si modo professionem fidei Ni-
cænæ sequantur, & Sectariorum Duces
damnent.

Liber. ep. 2.
apud Hilar.
fragm. 12.

§. XXIX.

Ordinatio Paulini. Schisma Luciferi.

Sanctus Eusebius Vercellensis, soluto
Concilio, Alexandria Antiochiam se
contulit, at de S. Asterio Petrensi nihil
amplius

Mart. Rom.

10. Jun.

Ruf. I. c. 30.